



## **Forum Ecclesiasticum**

In Quo Jus Canonicum Universum, Librorum Ac Titulorum Ordine Per  
Quæstiones Et Responsa, Tam Canonistarum Veterum & Recentiorum,  
quàm Legistarum, in iis, quæ Utrique Juri, Canonico Et Civili Communia  
Sunt, Authoritate stabilita, Methodo clara & facili explanantur

**Leuren, Peter**

**Moguntiae, 1720**

Quæst. 123. Num etiam raptus viri factus à fœmina inducat dictum  
impedimentum.

---

[urn:nbn:de:hbz:466:1-73973](#)

ex hoc fine, in quantum constitutus abductionem, & raptus causâ matrimonii, Vincent. de Justis l.c. l.4. c.6. & ex eo Krim. l.c. n. 511.

6. Quinto, venire hic nomine raptoris, non solum illum, qui physicè rapit, sed etiam eum, cuius nomine, mandato, & ad ejus petitionem fæmina raptur; ita ut matrimonium à mandante, petente cum ea initum, dum est in ejus potestate, sit invalidum, non vero initum cum ea à mandatario. Pirk. n. 23. Corrad. l.c. l.7. c. 6. n. 51. Krim. n. 518. Item is, qui rapuit motu proprio fæminam, non ut ipse, sed alius cum ea contrahere matrimonium, validè contrahit cum ea liberè consentiente, et si adhuc constituta sub potestate raptoris. Idem est de eo, qui raptori consilium præbuit; quia poena illa statuitur raptori, qui rapuit eo fine, ut ipse cum ea matrimonium contrahat, qualis non est ille consiliarius. Pirk. l.c. Sanch. l.c. n. 6.

7. Sexto incurri pœnas raptui à Trident. statutas, adeoque & illam inhabilitatem contrahendi cum rapta matrimonium, quia hæc est pœna inter reliquias statuta, etiamsi copula cum rapta non fit secuta; quia non punitur hac pœna raptus commissus libidinis causâ, sed factus causâ ineundi matrimonii. Pirk. n. 24. Sanch. n. 8.

8. Octavo, incurri hoc impedimentum, et si rapta causâ contrahendi matrimonii nondum sit deducta ad locum destinatum; cum sufficiat, quod raptor violenter ex dicta causa eam abstraxerit in potestatem suam, utpote per quam violentam abstraktionem jam est consummatum delictum raptus, & perfectè irrogata injuria libertati matrimonii. Pirk. l.c. Sanch. n. 10. Non tamen incurri, si de uno loco in alium moraliter diversum. V. G. de una camera in aliam abripiatur. Haunold. de jur. & iust. Tom. 6. tr. 2. c. 2. n. 541.

9. Nonò, incurri eti fæmina violenter abducta, dein manens in potestate raptoris, liberè consentiat contrahere matrimonium; secus, si ab initio volens sit abducta, & dein mutata voluntate resistat abductioni. Pirk. n. 25. Sanch. n. 9.

10. Decimo, non incurri, si solum precibus impotuisse, vel etiam donis & pecuniâ inducta sit, ut consentiat sui abductioni; nisi forte preces illæ ob adjunctas minas vel metum reverentiale æquiparantur violentia; quia alijs non est propriæ raptus. Sanch. n. 11. Pari modo non esse raptum pœnis Tridentini, adeoque dictæ inhabilitati obnoxium, si dolo falsisque promissis abducatur, cum non sit violentia, censent Castrop. n. 15. citatis Sanch. eod. n. 11. Gutt. de mat. c. 86. n. 14. & 15. Pirk. num. 26. non obstante, quod dolus sufficiat ad pœnas juri civili statutas; eò quod Trid. solis raptoris inter reliquias pœnas imponat dictam inhabilitatem, quales propriæ non sunt, ubi abest violentia.

11. Undecimo, non incurri, si sponsa de futuro lubens invitus parentibus, tutoribus abducatur. Castrop. n. 14. Pirk. n. 28. juxta penult. de raptor. Secus esse, si sponsa de futuro renentes abducatur, eò quod adhuc ledatur libertas matrimonii, dum vi abducitur, ut matrimonium contrahat, tenent Pirk. l.c. Castrop. cit. n. 14. citatis Sanch. d. 13. n. 15. Gutt. n. 22. contra Henr. l.c. 12. de mat. c. 14. n. 4. & 5. Leff. l.4. c. 3. n. 70. cum quibus sentire videtur Barbos. ad c. 6. de raptor. n. 4. citans pro hoc Rebell. de oblig. iust. p. 2. l.3. q. 12. n. 5. Farin. cit. g. 145. n. 88. Anton. Genuen. in pract. ecclesiast. q. 6. num. 91. & alios; ex quibus tamen aliqui id sic limitant; nisi sponsa haberet causam justam resiliendi à sponsalibus.

12. Duodecimo, non incurri hoc impedimentum, dum fæmina consentiens & volens abducitur, non tantum insciis parentibus, sed etiam iis invitatis & renientibus, ut probabilius docent Sanch. l.7. d. 13. n. 13. Castrop. l.c. n. 12. Cöminck. cit. d. 31. du. 4. in fine. Leff. l.c. du. 9. n. 70. Reginald. in foro pœnit. l. 22. n. 31. contra Henr. l.c. Gutt. l.c. n. 17. Farin. n. 121. Tusch. Tom. 6. v. raptor. concl. 5. Bonac. & alios apud Barbos. in c. 6. de raptor. num. 3. Laym. n. 4. Pirk. n. 27. Quamvis horum posteriorum prior sententiam contraria dicat non improbabilem, alter valde probabilem; siquidem dictum impedimentum latum est à Concilio in favorem matrimonii, ne fæmina invita & repugnans cogatur cum raptore contrahere matrimonium; jam vero libertati matrimonii non obest illa parentum repugnantia, cuius proinde non meminit Concilium, sed folius pueræ consensus.

*Quæst. 123. Num etiam raptus viri factus à fæmina inducat dictum impedimentum.*

R Esp. Si fæmina rapiat virum nolentem & contradicentem ad ineundum secum matrimonium, hoc impedimentum uti & ceteras pœnas à Tridentino statutas non incurri; eò quod non loquatur nisi de viro raptore, & decretum pœnale & cœterorum extendi non debeat ultra expressa, tenent Pirk. l.c. n. 28. Sanch. cit. d. 13. n. 16. sic quoque ait Castrop. l.c. n. 16. pœnas illas non extendi ad raptoras fæminas, quia jus non præsumit violentiam inferendam viro. Addit tamen, quod, si aliquando viro inferatur violentia, ea stante, non posse consistere matrimonium, secus eam cessante, tametsi extra potestatem raptoris non sit. De cetero locum quoque in hoc casu, dum nimis mulier robusta & autoritate pollens causâ matrimonii rapiat virum. V. G. adolescentem timidum, esse decreto Tridentini, & incurri verè impedimentum raptus dirimens, tenent absolue Vinc. de Justis. de dispens. mat. l.2. c. 18. à n. 75. Haunold. l.c. à n. 549. quos citat & sequitur Krim. n. 522. eò quod licet dictum decretum odiosum sit & pœnale loquens solum de raptore, & non de raptrice, adeoque videatur non extendi ultra expressa, id tamen locum non habeat, quando ratio legis porrigitur etiam ad non expressa; in praesente autem casu ratio legis, quæ est libertas matrimonii, a quæ patet in fæmina raptente virum, quam in viro raptente fæminam. Adde, quod, cum leges non ferantur de iis, quæ rarissime contingunt, sed solum de frequenter contingentibus; rarissime autem mulier rapiat virum, ratio esse potuit, cur Tridentinum non expreßerit hunc casum. De cetero probabilius esse fæminas raptrices istiusmodi non incurrire pœnas alias ordinarias raptis, ait Pirk. ad ut. de raptoris. n. 12. citatis Claro s. raptus. n. 6. Menoch. de arbitr. cas. 291. n. 30. Sanch. d. 12. n. 25. Addit quoque in genere, Castrop. Concilium Trident. (intellige quod ad dictam inhabilitatem alijs pœnas) locum solum habere in iis locis, ubi receptum; alijs standum esse juri antiquo c. fin. de raptoris. ubi illud statuitur, quod raptus, etiam adhuc constituta in potestate raptoris, liberè tamen cum eo contrahat, valeat matrimonium.

*Quæst. 124. An sicut raptus matrimonium, ita quoque dirimat sponsalia, eaque reddat irrita inter raptorem & raptam.*

R Esp. Pari modo sicut matrimonium, ita etiam spon-